

## জাতীয় সংসদে উত্থাপনীয়

[খসড়া]

বিল নং---/২০২১

গ্রাম আদালত আইন, ২০০৬ (২০০৬ সালের ১৯ নং আইন) এর কতিপয় বিধানের অধিকতর সংশোধনকল্পে প্রণীত বিল

যেহেতু নিম্নবর্ণিত উদ্দেশ্যসমূহ পূরণকল্পে গ্রাম আদালত আইন, ২০০৬ (২০০৬ সনের ১৯ নং আইন) এর সংশোধন সমীচীন ও  
প্রয়োজনীয়;

সেহেতু এতদ্বারা নিম্নরূপ আইন করা হইল:-

১। সংক্ষিপ্ত শিরোনাম ও প্রবর্তন। - (১) এই আইন গ্রাম আদালত (সংশোধন) আইন, ২০২১ নামে অভিহিত হইবে।

(২) ইহা অবিলম্বে কার্যকর হইবে।

২। ২০০৬ সালের ১৯ নং আইনের ধারা ২ এর সংশোধন।- গ্রাম আদালত আইন, ২০০৬ (২০০৬ সনের ১৯ নং আইন) অতঃপর  
উক্ত আইন বলিয়া উল্লিখিত, এর ধারা ২ এর দফা (ড) এর পর নিম্নরূপ নতুন দফা (গ) এবং (ত) সংশোধিত হইবে, যথা:-

“(গ) “স্থানীয় কর্তৃপক্ষ” অর্থ স্থানীয় সরকার প্রতিষ্ঠান বা অন্য কোন আইনের দ্বারা প্রতিষ্ঠিত কোন বিধিবদ্ধ সংস্থা;”

“(ত) “শিশু” অর্থ শিশু আইন, ২০১৩ (২০১৩ সনের ২৪ নং আইন) এর ধারা ৪ এ সংজ্ঞায়িত শিশু।

৩। ২০০৬ সনের ১৯ নং আইনের ধারা ৩ এর সংশোধন।- উক্ত আইনের ধারা ৩ এর উপ-ধারা (২) এর (ক) তে উল্লিখিত  
“নাবালক” শব্দের পরিবর্তে “শিশু” শব্দটি প্রতিস্থাপিত হইবে।

৪। ২০০৬ সনের ১৯ নং আইনের ধারা ৫ এর সংশোধন।- উক্ত আইনের ধারা ৫ এর

(ক) উপ-ধারা (১) এরূপ ভাবে সংশোধনঃ উপ-ধারা (৫) এর বিধান সাপেক্ষে একজন চেয়ারম্যান এবং উভয়পক্ষ কর্তৃক মনোনীত  
দুইজন করিয়া মোট পাঁচজন সদস্য লইয়া গ্রাম আদালত গঠিত হইবেঃ

(খ) উল্লিখিত “তফশিলের প্রথম অংশে বর্ণিত ফৌজদারি মামলার সহিত নাবালক এবং” শব্দগুলি বিলুপ্ত হইবে।

(গ) উপ-ধারা (৫) এর পরিবর্তে নিম্নরূপ উপ-ধারা (৫) প্রতিস্থাপিত হইবে, যথা:-

“(৫) এই ধারার অন্যান্য বিধানে যাহা কিছুই থাকুক না কেন, যদি নির্ধারিত সময়ের মধ্যে সদস্য মনোনীত করা সম্ভব  
না হয়, তবে অনুরূপ সদস্য ব্যতিরেকেই গ্রাম আদালত গঠিত হইবে এবং উহা বৈধভাবে উহার কার্যক্রম চালাইতে  
পারিবে।”

৫। ২০০৬ সনের ১৯ নং আইনের ৬খ ধারা ৬খ এর সংশোধন।- উক্ত আইনের ধারা ৬খ এর উপ-ধারা (২) এ উল্লিখিত “৩০  
(ত্রিশ)” সংখ্যা, বন্দনী ও শব্দ এর পরিবর্তে “১৫ (পনের)” সংখ্যা, বন্দনী ও শব্দ প্রতিস্থাপিত হইবে।

৬। ২০০৬ সনের ১৯ নং আইনের ধারা ৬গ এর সংশোধন।- উক্ত আইনের ধারা ৬গ এর উপ-ধারা (২) এ উল্লিখিত “উপ-ধারা  
(২)” এর পরিবর্তে “উপ-ধারা (১)” প্রতিস্থাপিত হইবে।

৭। ২০০৬ সনের ১৯ নং আইনের ধারা ৭ এর সংশোধন।- উক্ত আইনের ধারা ৭ এর উপ-ধারা (১) এ উল্লিখিত “৭৫ (পঁচাত্তর)”  
সংখ্যা, বন্দনী ও শব্দ এর পরিবর্তে “১৫০ (এক শত পঞ্চাশশ)” সংখ্যা, বন্দনী ও শব্দগুলি প্রতিস্থাপিত হইবে।

৮। ২০০৬ সনের ১৯ নং আইনের ধারা ৮ এর সংশোধন।- উক্ত আইনের ধারা ৮ এর উপ-ধারা (১) এর পর নিম্নরূপ নতুন একটি উপ-ধারা (১ক) সংযোজিত হইবে, যথা:-

“(১ক) চারজন সদস্যের উপস্থিতিতে গ্রাম আদালতের সিদ্ধান্ত দুই-দুই (২:২) ভোটে অমীমাংসিত হইলে, গ্রাম আদালত অনুপস্থিত সদস্যের উপস্থিতিতে সিদ্ধান্ত গ্রহণের জন্য ৭ (সাত) দিনের সময় প্রদান করিবেন। উক্ত সময়ের মধ্যে সিদ্ধান্ত গ্রহণ করিবেন।”

৯। ২০০৬ সনের ১৯ নং আইনের ধারা ১৫ এর সংশোধন।-

উক্ত আইনের ধারা ১৫ এর শিরোনামে ও উপ-ধারা (২) এ উল্লিখিত “মহিলা” শব্দ এর পরিবর্তে “নারী” শব্দটি প্রতিস্থাপিত হইবে।

১০। ২০০৬ সনের ১৯ নং আইনে নতুন ধারা ১৫ক এর সন্নিবেশ।-

(খ) উক্ত আইনের ধারা ১৫ এর পর নিম্নরূপ নতুন ধারা ১৫ক সন্নিবেশিত হইবে, যথা:-

“১৫ক। পক্ষভুক্তি।-

- (১) গ্রাম আদালতে দেওয়ানি বিরোধ সংক্রান্ত মামলা চলাকালীন কোন পক্ষ মৃত্যুবরণ করিলে কিংবা তার অবর্তমানে সংশ্লিষ্ট পক্ষের মনোনীত ব্যক্তি অথবা বৈধ উন্নৱাধিকারীগণ, অথবা
- (২) গ্রাম আদালতে ফৌজদারি বিরোধ সংক্রান্ত মামলা চলাকালীন আবেদনকারী মৃত্যুবরণ করিলে কিংবা তার অবর্তমানে শুধু মাত্র আবেদনকারী পক্ষের মনোনীত ব্যক্তি অথবা বৈধ উন্নৱাধিকারীগণ,

নিজ উদ্যোগে উক্ত মামলায় পক্ষভুক্ত হইতে পারিবেন, বা গ্রাম আদালতের সিদ্ধান্ত ক্রমে উক্ত মামলায় বৈধ উন্নৱাধিকারীগণকে পক্ষভুক্ত করিবেন।”

১১। ২০০৬ সনের ১৯ নং আইনের তফসিল এর সংশোধন।- উক্ত আইনের তফসিল এর -

(ক) প্রথম অংশঃ ফৌজদারি মামলাসমূহ এর-

- (অ) ক্রমিক নং ৩, ৫, ৬ ও ৭ এ উল্লিখিত “৭৫ (পঁচাত্তর)” সংখ্যা, বন্ধনী ও শব্দ এর পরিবর্তে “১৫০ (এক শত পঞ্চাশ)” সংখ্যা, বন্ধনী ও শব্দগুলি প্রতিস্থাপিত হইবে।
- (আ) ক্রমিক নং ৪ এ উল্লিখিত “৫০ (পঞ্চাশ)” সংখ্যা, বন্ধনী ও শব্দ এর পরিবর্তে “১৫০ (এক শত পঞ্চাশ)” সংখ্যা, বন্ধনী ও শব্দগুলি প্রতিস্থাপিত হইবে।

(খ) দ্বিতীয় অংশঃ

(অ) দেওয়ানি মামলাসমূহ এর ক্রমিক নং ৬ এর পর নতুন ক্রমিক ৭ সন্নিবেশিত হইবে, যথাঃ

৭। কোন স্বীকৃত তাহার বকেয়া ভরণপোষণ আদায়ের মামলা।\*

\* ইহা অন্য যে কোন আইনে প্রদত্ত প্রতিকারের অতিরিক্ত হিসেবে গ্রাম আদালতের মাধ্যমে নিষ্পত্তিযোগ্য হইবে এবং বলবৎ অন্য কোন আইনের এক্ষতিয়ার খর্ব করিবে না।

(আ) দেওয়ানি মামলাসমূহ এর ক্রমিক নং ১, ২, ৩, ৪, ৫, ৬ ও ৭ এর বিপরীতে উল্লিখিত “৭৫ (পঁচাত্তর)” সংখ্যা, বন্ধনী ও শব্দ এর পরিবর্তে “১৫০ (এক শত পঞ্চাশ)” সংখ্যা, বন্ধনী ও শব্দগুলি প্রতিস্থাপিত হইবে।

-----